



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Antonii Mariae Gratiani A Burgo S. Sepulchri Episcopi  
Amerini De Vita Joannis Francisci Commendoni Cardinalis  
Libri Quatuor**

**Graziani, Antonio Maria**

**Parisiis, 1669**

Lectori S.

**urn:nbn:de:hbz:466:1-9616**

LECTORI S.

CODEX manuscriptus ex quo editio  
hæc nostra expressa est, paratissimus  
erat ab omnibus quæ desiderari possunt,  
vt quivis bonæ notæ liber faustis avibus in  
lucem prodiret. Viri scilicet eruditissimi &  
diligentissimi, à quibus manumissionem  
expectabat, nil prætermiserunt, quo orna-  
tiori cultu se daret in publicum. Præfationem  
elegantissimam, elogium ipsius scriptoris  
è selectissima Nicii Erythræi Pinacotheca  
præmisere, indicem denique copiosissimum  
addiderunt; adeò vt totus ex se aptus Typo-  
graphos ad amorem sui pellicere videretur.  
Verùm ejusmodi artificum hodie in Italia  
talis aut penuria, aut negligentia est, vt a-  
liunde quærendi fuerint, qui optimum fœ-  
tum tollere, & sibi vindicare yellent; quod  
tandem feliciter factum est, auctore ac fi-  
dejusso locupletissimo V. C. Petro Se-  
guino Regiæ insignis Ecclesiæ S. Germani  
Paris. Decano. Is cùm Italiam perambula-  
ret, in qua, tum humanitate tum doctrina,  
sibi similes complures amicos conciliavit,

Romæ in Museo Illustriss. ac Erud. Viri ,  
opus istud egregium nactus est. Ægrè tu-  
lit profectò vir acerrimi judicii in dijudi-  
candis ejusmodi lucubrationibus , eximium  
scriptorem diutiùs in ea custodia tanquam  
captivum latere ac detineri : Alapas ei à li-  
bri Domino facilè impetravit , libertatem &  
lucem Gallicam promisit ; illam in hoc  
splendidissimo Academiæ Parif. sole præstat.

Fruere isto doctissimi Seguini dono , LE-  
CTOR , quodque ingenui animi est , cui  
jam multūm debeas , perge plura libenter  
ei debere velle. Non potes ignorare , nisi  
sis omnino amœniorum litterarum expers ,  
& reconditoris antiquitatis incuriosus ,  
quantūm debeamus scrutatoribus & inter-  
pretibus priscorum numismatum , quan-  
tumque ad historiam Græcam Latinamque  
intelligendam , ac temporum seriem dige-  
rendam conferant : At ille noster instructissi-  
mum ejusmodi Cimeliorum Museum pos-  
sedit ; sed non tantūm sibi : studiosis latè  
patet , quos si quid vel abstrusissimum ab eo  
illustrari velint , quâ est affabilitate ac sol-  
lertiâ , promptè ac egregiè doctos dimittit .  
Novissimè verò , invisas hactenus aliquot  
Deorum , Heroum , ac Regum effigies , aut

non intellectas earum inscriptiones; mirâ  
Latini sermonis puritate ac interpretationis  
felicitate, plaudentibus artis peritis edidit.  
Verumenimverò, pace illius dixerim, in-  
ter illas imagines licet raritate & pretio e-  
ximias, eminet imago vitæ Commendoni,  
quam ejus beneficio tibi exhibemus, vnde  
viri Ecclesiastici, religionis & pietatis amo-  
rem; Politici rerum agendarum peritiam  
hauriant; Tu quisquis es, L E C T O R , vir-  
tutum omnium exempla depromere possis.



AMICO